



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE SACRAMENTO|| POENITENTIAE.|| QVATVOR LIBRIS COM-||REHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XV. Soluitur argumentum tertium Ioannis Caluini.

[urn:nbn:de:hbz:466:1-54092](https://nbn-resolving.de/urn/resolver.pl?urn=urn:nbn:de:hbz:466:1-54092)

CAPVT XV.

Soluitur argumentum tertium Ioannis Caluini.

PERGIT Caluinus in eodem capite sectione 8. & adducit Chrysostomum: *Hanc, inquit, abrogationem tot locis evidenter CHRYSOSTOMVS testatur, Constantinopolitana & ipse Ecclesie Presul, ut mirum sit, istos audere contraria mutare. Peccata tua (inquit homil. 2. in Psalm. 50.) dico, Et deleas illa. Si confunderis alicui dicere, quæ peccasti, dico quotidie ea in animatua: non dico, Et confitearis conseruo tuo, qui exprobret; dico Deo, qui curat ea.*

ADDIT ibidem Caluinus alia loca similia eiusdem Chrysostomi, ex serm. de Pœnitentia & Confessione, item ex homil. 5. de incomprehensibili natura Dei, item ex homil. 4. de Lazarō. Addit Philippus in Confessione Augustana, artic. de Confessione, alium locum similem superioribus, ex hom. 31. in cap. 12. epist. ad Hebr.

RESPONDEO, CHRYSOSTOMVM, qui Nectarij successorem se agnoscebat, diligenter, ut pat erat, iudicium prædecessoris sui defendere voluisse, sicut tamen, ut veritati, & fidei nulla in re detrimentum adferret. Quemadmodum igitur Nectarius non Confessionem priuatam, sed publicam abrogavit: sic etiam Chrysostomus passim Confessionem publicam carpit, priuatam autem nusquam reprehendit.

Id perspicuum est ex omnibus locis, quæ vel obiecta sunt ab Aduersatis, vel obiici potuissent. Nam homilia secunda in Psalm. 50. cum ait: *Non dico, Et confitearis conseruo tuo, qui exprobret;* aperte indicat se loqui de Confessione publica, ex qua exprobatio sequi solebat. Nam vt refert ORIGENES homilia 2. in Psalm. 37. cum publica fieret Confessio, non deerant qui exprobarent: *Si huiusmodi, inquit, homo memor delitti sui, confiteatur quæ commisit, & humana confessione parui pendat eos, qui exprobant eum confidentem, & notant, & vel irrident, &c. ex priuata autem Confessione nulla sequi potest exprobatio, tum quod sine testibus ea confessio fiat, tum quod arctissimo vinculo teneantur Sacerdotes altissimo silentio tegere, quæ in priuata Confessione*

Xxxxx 2 audie-

audierunt. Quod igitur C H R Y S O T O M V S ait homil. citata in Psalm. 50. *Si confunderis alicui dicere, quia peccasti.* intelligi debet ad hunc modum: Si confunderis alicui dicere, qui exprobrare possit, id est, publicè, ut ipse continuo explicat, cùm ait: *Non dico, ut confitearis conseruo tuo, qui exprobret.*

Idem Chrysostomus hom. de Pœnitentia & Confessione, qui est secundus locus à Caluino adductus, sic ait: *Nunc autem neque necessarium presentibus testibus confiteri,* &c. vbi videmus confessionem illam improbari; quaerat coram testibus, quamque Nectarius abrogauerat: siquidem verba illa: *Nunc autem neque necessarium, notant, aliquando fuisse necessarium coram testibus confiteri, sed eam necessitatem tunc fuisse sublatam.*

Item hom. 5. de incomprehensibili natura Dei: *Non te, inquit, in theatrum conseruorum tuorum duco, non hominibus peccata tua detegere cogo.* Hic etiam cernere est, quād aperit Chrysostomus alludat ad illam veterem Episcoporum constitutionem, qui teste Sozomeno in Tripart. lib. 9. cap. 36. voluerant, ut quasi in theatro peccata panderentur: quād constitutionem Nectarius, ut sèpè diximus, abrogauit.

Idem in hom. 4. de Lazaro: *Cave, inquit, homini dixerim, ne tibi exprobret.* Et infrā: *Non cogo te in medium prodire theatrum, ac multos adhibere testes: mihi soli dic peccatum, priuatum,* &c. Idem hom. 31. in epist. ad Hebr. *Non tibi, inquit, dico ut te producas in publicum, neque ut te apud alios accuses.* Idem hom. 8. de Pœnitentia: *Non reueles, inquit, scelus, non in commune theatrum accusationem producas, non delictorum testes statuas.* Idem hom. de publicano ad cap. 18. Luce: *Admoneo te ut assidue confiteare: neque enim te ad theatrum duco conseruorum tuorum,* &c. Ex his locis euidenter colligitur, Chrysostomum de publica Confessione loqui, cùm à confessione hominibus facienda populum dehortatur.

A t inquires, Confessioni quæ fit hominibus, C H R Y S O T O M V S opponit Confessionem, quæ fit soli Deo in anima, siue intra conscientiam confitentis, cogitatione, non lingua; igitur excludit omnem confessionem quæ fit hominibus, siue publicam siue priuatam: non enim Confessio priuata

ta facta coram Sacerdote, dici potest facta esse in anima, siue intra conscientiam, siue cogitatione, non lingua. Verba eius hæc sunt, hom. 2. in Psal. 50. *Si confunderis dicere alius quis peccasti, dico ea quotidie in anima tua.* Homil. de Pœnitentia & Confessione: *Nunc autem neque necessarium est presentibus testibus confiteri: cogitatione fiat delictorum exquisitio: absque teste sit hoc iudicium: solus te Deus confitentem videat.* Hom. 31. in epist. ad Hebræos: *Ante Deum confitere peccata tua: apud Verum Iudicem cum oratione delicta tua pronuncia, non lingua, sed conscientia tua memoria.* Homil. 8. de Pœnitentia: *Non delictorum testes statuas: intus in conscientia, astante nemine, prater eum, qui cuncta videt, Deum, reformato quod deliquisti.*

RESPONDEO, Chrysostomū in his locis opponere Confessioni publicæ, confessionem, quæ fit soli Deo in conscientia, sine sono verborum: quia non loquitur de Confessione, vt ordinatur ad Absolutionem Sacerdotalē, quæ propriè pars est Sacramenti Pœnitentiae essentialis; sed de Confessione vt ordinatur ad confusionem & erubescientiam, quæ pars dici potest Satisfactionis. Illa enim Confessio publica, quam sustulit Nectarius, non erat instituta, vt per eam Sacerdos cognosceret peccata pœnitentis, & inde rectè iudicaret, esset ne pœnitens ligandus, vel absoluendus, aut quæ Pœnitentia imponenda esset: sed solum vt pœnitens publica illa confusione accepta, partem pœnæ, quæ peccatis eius debebatur, lueret. Potrò Chrysostomus rectè monet, non esse necessarium ad eiusmodi finem obtinendū, publicè, vel etiam priuatim confiteri hominibus: sed satis esse, cum dolore & lachrymis confiteri Deo, & sic satisfacere, adiunctis precibus, eleemosynis, ieuniis, aliisque piis, laboriosisq; operibus. Quod autem ad alium finem, nimirum, vt Sacerdos nouerit morbos pœnitentis, quibus medicinam Pœnitentiae applicare debet; necessaria sit Confessio, ostendimus suprà ex lib. 2. de Sacerdotio, eiusdem Chrysostomi, nec non ex testimoniiis Basilij, Nifseni, & aliorum Patrum Græcorum, à quibus nullo modo credibile est Chrysostomum dissensisse.

ADD quod si Chrysostomus in locis suprà citatis, de Confessione respectu cuiuscunque finis loqueretur; non so-